



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 257. An & qualiter Notarii, aliqui qui sententiam sanguinis
scribunt, subscribunt, subsignant, legunt, publitant, item executores
sententiæ & justitiæ ministri sint irregulares.

[urn:nbn:de:hbz:466:1-73982](#)

incurratur nunquam, nisi ex actuali Homicidio vel mutilatione. *Suar. l. c. n. 4.*

2. Resp. Secundo: Advocatus impendens patrocinium reo, dum is nihilominus condemnatur ad mortem vel mutilationem, non sit irregularis, sive sit Clericus, sive Laicus; quia ex ejus patrocinio non sequitur mors, in modo ciuius securitas, si reus illa defensione caruerit; nisi tamen Advocati imperitia vel negligentiā reus condemnatus fuisset. ut *Suar. l. c. n. 6.* *Diaz. num. 20.* *Pirh. l. c.*

3. Resp. Tertiō: Si Actor seu Accusator injuste seu falso accusavit, & hinc reo absoluto Accusator Pænaltionis puniatur, Advocatus Accusatoris sit irregularis; quia eum in tali periculo mortis constituit; cum nisi Advocatus causam Accusatoris suscepisset, hic ausus non fuisset accusare; nisi tamen Advocatus bona fide existimatset, causam Accusatoris esse justam; siquidem ignorantia invincibilis sicut excusat à delicto, sic ab irregularitate, utpote quæ in casu injustæ accusationis non oritur ex defectu lenitatis, sed ex delicto Homicidii, saltem indirectè voliti. *Suat. Pirh. II. cit.* Econtra, si accusator ob injustam accusationem puniatur pœnaltionis, Advocatus rei non sit irregularis, si tantum reum defendit, ostendendo delictum ei objectum non esse probatum, quia tunc ad pœnam illam talionis non concurrit, sicut concurret ostendendo directè, Accusatorem esse calumniatum. *Covar. l. c. n. 5.* *Suar. cit. s. 4. n. 7. & 8.* *Pirh. cit. n. 112.* in fine.

Quæst. 257. An & qualiter Notarii alit. que; qui sententiam sanguinis scribunt, subscribunt, subsignant, legunt, publicant, item executores sententiæ & justitiae ministri sint irregulares?

R Esp. Omnes illos, securā morte vel mutilatione, esse irregularares ex defectu lenitatis; cum omnes illi propinquè & notabiliter concurrant ad mortem, & inter eos sunt lictores, qui reum torquent ad elicendam veritatem, satellites, qui reum custodiat causa comitantur ad supplicium, & ita tenent *Nav. l. c. n. 217.* *Sylv. v. Homicidium. 3. q. 2. n. 3.* *Avil. de cens. d. 5. f. 2. du. 1.* *Suar. l. c. s. 4. n. 1.* *Covar. l. c. s. 5. du. 1.* *Laym. l. 3. tr. 3. p. 3. c. 7. n. 1.* & DD. in c. *Sententiam, ne Clerici vel Monachi.* Secus est de iis, quorum cooperatio magis remota est, v.g. opificum, qui furcam, scalam, funes confererunt. *Laym. l. c. n. 2.* *Castrop. l. c. p. 14. §. 4.* cum Gl. in c. de cetero. *b. t. v. causam.* *Mol. tract. 3. d. 74. num. 2.* qui tamen uti & Laym. cum aliis censem, fatis propinquè concurrere, et si privata Authoritate id faciant, & hinc irregularis esse, qui scalam applicant, ad suspendendum furem, ligna ad comburendum reum comportant, & magis si rogam construant. De cetero irregularares non esse privatos illos, aut etiam confessarium, qui equum, cui reus insidet, incitant, aut reum monent ad procedendum, ut viā breviori ducatur, ut scalas ascendas, manus ligandas præbeat, ministro justitia se accommodet, et si per hoc mors acceleretur, struunt Castrop. Laym. Molin. & alii. Eò quod haec levia sint & quasi pro nihilo reputantur, verisimileque non sit, Ecclesiast in his casibus voluisse irregularitatem inducere, quamvis tamen pro maiore cautela *Suar. l. c. n. 10.* moneat Clericos & Religiosos reo in ultimo supplicio pro cura animæ assistentes, ut caveant, ne verbo aut facto aliquo accelerent seu promoveant mortem aut mutilationem, aut etiam

R.P. Leur. Jur. Can. Lib. V.

ipso Ministris Iustitiae, ut yeniant, ac properent exequi, et si id faciant ex pia cauſa, quia sciunt reum jam bene dispositum.

Quæst. 258. Num Clerici interessendo ultimo supplicio rei illud purè spectandi gratiā siant irregularares aut peccant?

1. R Esp. Primò: Nec Laici, nec Clerici, modò praesentiam suam non exhibeant authoritatē, & hac ratione suo modo cooperentur, per hoc incurvant irregularitatē; quia nullā ratione, nequidem remotè, cooperantur ad mortem. *Gonz. ad c. sententiam, ne Clerici vel Monachi. num. 1.* *Castrop. l. c. §. 4. n. 2.* *Nav. l. c. n. 214.* *Laym. cu. num. 2.* *Pirh. b. t. num. 13.* & alii cum communī, contra paucos alios in *cit. c. sententiam.* Quod tamen cap. dum irregulares dicit, intelligendum esse de authoritatīa eorum praesentia, executioni sententiæ aliquo modo cooperante, ait Gonzal. *l. c.*

2. Resp. Secundo: Etsi non deceat Clericos, saltem Sacerdotes & in Sacris Ordinibus constitutos, immixtos reliqua turba spectare ultima supplicia reorum curiositatīs gratiā, & hinc ad summum peccant venialiter, ut *Suar. cit. s. 4. in fine.* *Castrop. l. c.* sunt tamen, qui eos ne venialiter quidem peccare censem, si aliquid cause rationalis adsit, praesertim si ita se collocent, ut non multū notentur à turba, vel si à longè ex domo aliqua prospiciant, ita *Reiffenst. b. t. n. 114.*

Quæst. 259. An & quando Judices, Assessores, Consultores similésque ferendo aut proferendo sententiam mortis aut mutilationis incurvant irregularitatem?

1. R Esp. Primò: Incurrit per hoc eam omnis Jūdex, sive Clericus, sive Sacerdos, & quicunque cum eo concurrit ad sententiam illam concipiendam proferendāmque, ex ea ratione, quod licet si omnes nullum committant delictum, quia tamen sanguinem alienum fundunt, vel ad fundendum concurrunt, carent perfectā mansuetudine & lenitate Christiana, reputantur ab Ecclesia inhabiles ad Altaris Ministeria, juxta dicta suprà; ita Arg. c. 1. dist. 51. Can. sape. & seq. 23. q. 8. c. ex literis. de excess. Prelat. c. Clerici. c. Sententia. ne Clerici vel Monachi. est communis & certa, que tamen multas patitur exceptions. Hinc

2. Resp. Secundo: Irregularitatē non incurront primò: Summus Pontifex, utpote illius solo jure humano, supra quod est Papa, inductæ incapax, adeò, ut ab ea ante Pontificatum contracta evictus ad illum per ipsam evectionem liberetur. *Majol. de irregular. L. 2. c. 4. in princ.* *Reiffenst. num. 92.* Arg. c. licet vitanda. de elec̄t. c. ubi periculum. ed. in 6. Secundò: Judæi, Saraceni, alii que infideles, utpote Ecclesiæ legibus & pœnis non subjecti, ita ut, si talis ad fidem convertat, nulli effectui irregularitatis sit obnoxius, & si ipse prius fuisset judex, & sententiam mortis tulisset, aut ipse etiam justè vel injustè occidisset aliquem. *Suar. de cens. d. 40. f. 7. num. 3.* Tertiō: Inquisitores Hæreticae pravitatis, eorumque Assessores, Consultores, Commissarii, Officiales, utpote à Paulo IV. & Pio V. hoc privilegio præmuniti, ut irregularitatē non incurvant, dum Hæretis reos ad pœnas jure statutas, etiam mortis, condemnant, ut *Castrop. tr. 29. d. 6. p. 14. §. 1.* citans Pegna. Director. Inquisit. p. 2. comment. 20. Henr. L. 14. de irregular. c. 12. n. 5. Avil. de cens. p. 7. d. 5. f. 2.